

# «La vatga sgulanta» – ina tschaina cun chant ed acziun

L'ensemble vocal Incantanti inscenescha in proxim spectacul da tschanar a Cuira

■ **(anr) En collavuraziun cun la Scola d'hotellaria da Passugg prepara l'ensemble vocal Incantanti sut la direzziun da Christian Klucker in'inscenaiziun choral, accompagnand tschainas culturalas en l'hotel a Passugg ed en l'ustaria Va Bene a Cuira.** Sunter ils success dals davos spectaculs da tschaina «Le petit Tuor» ed «Ach, der Herr Saratz...» elavura l'enconuscent chor da giuvenils Incantanti già ses proxim concert gastronomic, questa giada en collavuraziun cun la Swiss School of Tourism and Hospitality (SSTH) da Passugg nua che la premiera da l'emprima part da la tschaina chantada ha lieu igls 6 d'avrigl sut il titel «Ir a bord». «La partenza», la segunda part, vegn represchentada ils 7 da settember en l'ustaria Va Bene a Cuira, uschia che la «Vatga sgulanta», sco l'ovra cumpletta vegn numnada, è pronta per sa metter sin ses sgol en il lontan per turnar ils 2020, tut tenor giavisch dal public.

## Incantanti – in chor da giuvenils engaschè

«Commuventant, giuven ed ambiziunà», quai èn ils traits adjectivs che tutgan per fetgamain l'ensemble vocal Incantanti ch'è vegn fundà ils 2002 d'antierurs chantadurs dal chor da la Scola chantunala grischuna. D'alura enna concertescha quest chor da giuvenils, cun la vegliadetgna me-

dia actuala da 18 onns, cun programs a chapella sut la batgetta da *Christian Klucker*. Ils Incantanti han cumprovà lur abilitad chantica a chaschun da numerus concerts en Svizra sco er en l'exteriur, sa deditgond dal chant indigen e surtut da la chanzun rumantscha. Il chant dals giuvenils ambassadurs culturalas dal Grischun è dentant era vegn undrà cun plirs premis naziunals ed internaziunals, uschia han ils Incantanti cuntanschi avant dus onns la distincziun «Champion european» dals chors da giuvenils a Riga en Lettonia. In

eveniment culminant per ils Incantanti è stà la premaudiziun da l'ovra «A Prayer for Mother Earth» dal cumponist svizzer Ivo Antognini en la Carnegie Hall a New York. Chantadurs e chantadurs d'Incantanti preparan independentamein las chanzuns per las elavurar musicalmain a chaschun da be paucas fins d'emna da prova. Els disponan d'in repertori lartg che cumpeggia chanzuns spiritualas, cumposiziuns barocas, romanticas e modernas da musicals e pop. Ultra da l'excellenta lavur chantica sa distingua il chor d'in ferm

spiert da cuminanza e surtut dal plaschair udibel dal chant cuminaivel. Els mussan gronda prontadad da prestar, quai che pussibilitescha pir la realisaziun da projects ambiziunads.

## In «eveniment perfetg» per ils tschainadurs

In da quels projects è il proxim spectacul culinaric «La vatga sgulanta» ch'è vegn secret da l'autur grischun Felix Benesch. Quest toc da duas parts vegn represchentà a chaschun da duas sairas en ils dus dif-

ferents lieux d'acziun. En l'hotel da la SSTH a Passugg entschaiva l'istorgia che vegn cuntinuada l'atun en l'ustaria Va Bene. Tschainadurs che frequentan tuttas duas sairas vegnan uschia en la giudida da l'eveniment cumplet da la «Vatga sgulanta». Ma tuttina è mintga sairada in'istorgia per sasezza ed arrundada. L'acziun prenda si'entschatta en la Scola d'hotellaria a Passugg e sa splaja en l'ambient da turissem e gastronomia. En la SSTH daventan ils tschainadurs perdetga dal mintgadi dals students ed intervegnan co quels concepeschon en differents gruppas «l'eveniment perfetg». Las scenas vegnan accompagnadas da l'actur da professiun *Nikolaus Schmid*. A la fin da l'emprima sairada vegn tschernì il concept victur, il qual ha da vegnir mess en pratica da chantadurs e students a chaschun da la segunda sairada en l'ustaria Va Bene. «L'eveniment perfetg» cumpeggia dapli che mo ina buna tschaina e vin exquisit. Tut ils tschintg senns vignan stimulads e carmalan ils tschainadurs da giudair l'istorgia tschaffanta, il chant choral e la tschaina coordinada cun ils intermezzi chantads – uschia che tut è pront per far «sgular la vatga».

Las represchentaziuns da l'emprima part han lieu ils 6 e 27 d'avrigl ed ils 18 da matg. La segunda part vegn preschentada ils 7 da settember, ils 5 d'october e 2 da november.



**Il chor da giuvenils Incantanti, sut la batgetta da Christian Klucker, inscenescha cun chant ed acziun tschainas culturalas en l'hotel Passugg ed en l'ustaria Va Bene.**

FOTO TH. GSTÖHL